



Usurbilgo Udala

USURBILGO UDALA
USURBILGO HAUR ESKOLA HAURRESKOLAK PARTZUERGOAN INTEGRATZEKO BIDEAN
PLAZEN ESKAINTZA, FUNTZIONAMENDUA ETA HAURREN IZENEMATE ARAUAK
2026-27 IKASTURTEA

0.- Sarrera:

2024ko urtearen amaieran Eusko Jaurlaritzak iragarri zuen, Haur eskolaren eskumena Eusko Jaurlaritzarena zela, eta doakotasunerako bidean, Udal titularidadeko ikastetxeak, Haurreskolak Partzuergoan integratzeko aukera izango zutela eta 2024-25eko ikasturtea izango zela diruz lagunduko zen azkena. Hala ere, Udalek horrela eskatuta, urtebetez luzatu zen Partzuergoan integratzeko epea eta 2025-26rako azken diru-laguntza ematea onartu zen.

Usurbilgo Udalak, Hezkuntza Sailarekin eta Udarregirekin hainbat bilera egin ditu Usurbilgo haur eskolaren etorkizuneko kudeaketaren inguruan eta erabaki da 0-2 Partzuergoan integratzea eta 2-3 Udarregi ikastetxeak kudeatzea.

2026-27 ikasturtean Usurbilgo Udal Haur eskola partzuergoan integratuko da, baina ikasturte honetako 0-2ko izen emateak Usurbilgo Udalak egingo ditu Usurbilgo Udal haur eskolan, 2026ko apirilaren 20tik 2026ko maiatzaren 8ra.

1.- Plazen eskaintza

Usurbilgo Udalak Haur Eskolak Partzuergoan integratzeko bidean, 2026-27 ikasturterako ondorengo plazak eskainiko ditu 0-2 urte bitarteko haur Hezkuntzan:

0-1	16 haur
1-2	26 haur
Guztira	42 haur

Hala ere, plaza horiek moldatu ahal izango dira sortzen diren beharrei erantzuteko.

Unitate bakoitzeko haurren gehienezko ratioak honakoak izango dira:

- Urtebete baino gutxiagoko haurren unitateak: 1/8
- Urtebeteko haurren unitateak: 1/13

2.- Haurreskolen egutegia

Haurreskolek irailaren 4tik uztailaren 31ra bitartean eman ahalko dute zerbitzua haurreskola bakoitzak bere egutegi propioa izanik.

Guztira haurrei 196 egunetan emango zaie arreta zuzeneko zerbitzua.

Haurreskola bakoitzean jarraipen batzordea eratuko da Udalaren, familien eta hezitzaileen ordezkariak osatuta. Bertan adostuko da egutegia, eta proposamena Haurreskolak Partzuergoari helaraziko zaio.



Usurbilgo Udala

3.- Ordutegiak

3.1. Oro har, haurrak ezin dira zentroaren barruan 8 ordu baino gehiago egon.

3.2. Bi ordutegi mota eskainiko dira eta mota bakoitzean, haurren sarrera irteerarako ordutegi malguak izango dituzte, bitarteko orduetan Haurreskolako hezkuntza alderdia lantzea ahalbidetuz.

a) Goizeko ordutegia: 7:30etatik 14:00ak arte
Haurren sarrerak 7:30-9:30 eta irteerak 13:00-14:00

b) Egun osoko ordutegia: 7:30etatik 16:00ak arte.
Haurren sarrerak 7:30-9:30 eta irteerak 15:00-16:00

3.3. Familiek ordutegi mota aldatu beharko balute (goizeko ordutegitik egun osoko ordutegira edo alderantziz), aldaketa-data baino astebete lehenago jakinarazi beharko dute haurreskolan.

3.4. Haurreskolak Partzuergoan lehen aldiz sartzen den haur orok hamar laneguneko egokitzapen aldia beteko du gutxienez haurreskolarekin adostutako orduetan. Helburu horretarako, haur sartu berriztat hartuko da Haurreskolak Partzuergoko edozein haurreskoletan baja eta alta artean hiru hilabete edo gehiago igaro badira.

Prozesu horren helburu nagusia haurrak familiaren baitako erreferentzia afektiboen figuretatik bereiztea da. Hasiara batean, gelako hezitzailea erreferentziatzeko figura bihurtuko da haurreskolan, baina gainerako hezitzaileak ere pixkanaka harreman horretan sartuz joango dira, balizko langile-aldaketek eraginik izan ez dezaten. Hau da, egokitzapen-aldiaren bitartez, familia esparrutik haratago, haurraren sozializazio-prozesu osoa landuko da, bere garapen integralaren baitan.

4.- Otorduak

4.1. Haurreskolak Partzuergoko zerbitzuak bi aukera ematen ditu:

- Familia bakoitzak janaria etxetik eramatea edo
- Catering Zerbitzua, beti ere Catering zerbitzu hori bideragarria bada (janari kopuruari eta instalazio egokiri dagokionez)

4.2. Gurasoek bazkaria etxetik eramatea erabakitzen badute termoetan egin beharko da, ez tupperware-etan, haurreskolako instalazioetan janariaren egoera edo kalitate ona ziurtatzeko. Ezinbestekoa da bazkaria beti bero-bero eramatea.

4.3. Catering-zerbitzua erabiliz gero, zerbitzu horren kudeaketa eta ordainketa familiek egingo dute. Zerbitzu horren erabileraren berri Haurreskolak Partzuergoko Plangintza eta Prebentzio Zerbitzuari jakinarazi beharko zaio.

Usurbilgo udalak izen-emateko garaian gurasoei otorduetarako nahi izango duten aukeraren inguruan galdetuko die eta ondorengo hilabeteetan gaia aztertu beharko da.

5.- Doakotasuna

Haurreskolak Partzuergoko zerbitzua **doakoa da**.



Usurbilgo Udala

6.- Asistentzia

Haurreskolak Partzuergoak matrikulatutako haurren hileroko asistentziaren jarraipena egingo du berriazko aplikazio informatiko bidez eta Hezkuntza Sailaren Ikuskaritza Zerbitzuaren laguntzarekin. Haurreskoletan izena eman duten hurrei gutxienez hilean %80eko asistentzia eskatuko zaie (behar bezala justifikatutako hutsegiteak ez dira asistentzia faltatzat hartuko).

Haurra haurreskolara joaten ez den bakoitzean mezua jasoko du guraso edo tutoreak komunikazioetarako jakinarazi duen helbide elektronikoan, bere haurra ez dela bertaratu jakinaraziz.

Hutsegite justifikatuak: Hutsegitea justifikatutzat joko da familiak alde zuzenetik jakinarazi baldin badiu haurreskolari. Hilabete jarraiko hutsegite justifikatuak baino gehiagoko kasuak banan-banan aztertuko dira. Hau horrela, beste 20 lanegun jarraian huts eginez gero, ofiziozko baja eman ahalko zaio haurrari.

Hutsegite ez justifikatuak: Behar bezala jakinarazi gabeko hutsegiteak ez justifikatutzat hartuko dira. Kasu horietan, behin mezua jasota, familiak justifikatu egin beharko du haurra ez joan izana.

Justifikatu gabeko hutsegiteak izango dira ere ezarritako sarrera-irteera ordutegi mugak ez errespetatzea. Kasu hauetan, egun erdiko falta jarriko zaie ezarritako muga horietan bertarutzen edota ateratzen ez diren haurrei.

Sarrera eta irteera-ordutegien ezarpenaren helburua da hezkuntza proiektuan oinarrituz, haurrei hezkuntza-alderditik arreta bermatzea eta hezkuntza-lana ez etetea. Garrantzitsua da, beraz, ordutegi horiek errespetatzea, haurreskola modu egokian antolatzeko eta sartu-irten horiek guztiek gainerako haurrengan eragiten duten egonezina saihesteko.



Usurbilgo Udala

USURBILGO HAUR ESKOLAN IZEN EMATEA

1.1. 2025 eta 2026 urteetan jaiotako haurren guraso edo legezko tutoreek Usurbilgo Haur Eskolan plaza eska dezakete, 2026ko apirilaren 20tik 2026ko maiatzaren 8ra, beti ere 2026ko irailean, ikasturtea hasten den egunean hasten badira.

1.2. Maiatzaren 1etik 10era arte jaiotako haurrak maiatzaren 20ra arte eman ahalko dute izena.

1.3. Hasiera datan ez da atzerapenik onartuko.

1.4. Ikasturtearen zehar beranduago hasteko asmoa dutenek ezingo dute epe honetan izen eman eta ez zaie plaza erreserbarik egingo.

1.5. 2026ko irailetik 2027ko apirila bitartean partzuergoko haurreskoletan hilerok irekiko da izen ematea baldin eta plazak libre badaude.

1.6. Izen-ematea baieztatzean, haurra haurreskolako hurrengo hilabetearen lehen lanegunean hasiko da dagokion haurreskolan. Justifikaziorik gabe hala egin ezean, bere eskaeran atzera egin duela ulertuko da eta ofiziozko baja emango zaio.

1.7. Hasiera-datan ez da atzerapenik onartuko. Hala behar izanez gero, hurrengo hilabeteko izen-emate prozesuan hartu beharko du parte haurrak.

1.8. Haurra ez da onartua izango baldin eta gurasoak jaiotzagatiko eta adingabearen zaintzagatiko prestazioaz gozaten ari badira haurra haurreskolan hasi behar deneko datan.

Jaiotzagatiko eta adingabearen zaintzagatiko prestaziorik jasotzen ez dutela justifikatzeko urtebete baino gutxiagoko haurren gurasoek edo tutoreek prestazioaren gaineko Gizarte Segurantzaren ebazpena aurkeztu beharko dute.

Gutxienez baimenaren 17 aste justifikatu beharko dira. Beraz, 17 asteak hartzei buruzko Gizarte Segurantzaren ebazpenik ez izanez gero (guraso bakarreko haurren kasuan 28 aste eta erditze anitzeko kasuan 18 aste), gainerako asteak noiz hartuko diren zehazten den enpresa-ziurtagiria aurkeztu ahal izango da.

Jaiotzagatiko eta adingabearen zaintzagatiko prestazioa jasotzeko baldintzak betetzen ez diren kasuetan Gizarte Segurantzaren ziurtagiria aurkeztu beharko da non aipatutako prestazioa ez dagokiola edo jaso ez dela zehazten den baldintzak ez betetzeagatik, edo egoera hau ziurtatzen duen lan bizitza eguneratua¹ aurkeztu beharko da.

Ezin izango da inskribatu baldin eta guraso bakarrari zein bi gurasoen artean bost aste baino gehiago hartzeko geratzen badira haurra haurreskolan hasi beharreko datan.

Jaiotzagatiko prestazioa lan jardun partzialean hartzen den kasuetan, betiere baimenaren 17 asteak justifikatzen badira (guraso bakarreko haurren kasuan 28 aste eta erditze anitzeko kasuan 18 aste), haurra haurreskolan has liteke. Jaiotzagatiko eta adingabearen zaintzagatiko prestazioarekin egon arren, haurrak matrikulatu ahal izango dituzte honelako kasuetan, baldin eta baremoaren arabera plaza lortzen badute: Gaixotasun larria edo haurra zaintzeko ezintasuna duten gurasoen kasuan, dagokion mediku ziurtagiriarekin egiaztatuta.

1.9. Oraindik jaio ez diren haurrak ezin izango dira inskribatu.

1.10. Hurrek 17 aste beteta izan beharko dituzte haurreskolan hasterakoan.



Usurbilgo Udala

2.- Eskabide-orriarekin batera aurkeztu behar den nahitaezko dokumentazioa

2.1. NAN edo AIT atzerritarren kasuan (AIT ez dutenek, pasaporteak aurkeztu ahal izango dute). Dokumentua bi aldeetatik aurkeztea ezinbestekoa da, eta data, argazkia eta sinadura ondo ikusi behar dira.

2.2. Erregistro zibileko inskripzioa (Jaiotza-inskripzioaren hitzez hitzeko ziurtagiria) edo familia liburua

2.3. Haurreskolan hasteko datan urtebete baino gutxiago duten haurren kasuan, jaiotzagatiko eta adingabearen zaintzagatiko prestazioaren gaineko Gizarte Segurantzaren ebazpena edo enpresa ziurtagiri eguneratua¹ Prestazioa jasotzeko baldintzak betetzen ez diren kasuetan Gizarte Segurantzaren ziurtagiria non aipatutako prestazioa ez dagokiola edo jaso ez dela zehazten den baldintzak ez betetzeagatik, edo egoera hau ziurtatzen duen lan biziaren eguneratua¹ aurkeztu beharko da.

2.4. Banandutako edo dibortziatutako gurasoen kasuan guraso bati zaintza ematen dion erabaki judizial irmoa, epaileak berretsitako hitzarmen arautzailearen kopia edo behin-behineko neurrien autoa.

3.- Eskakerak gauzatzeko prozedura

Aurreko ikasturtean matrikulatuta dauden hurrek ez dute berriz ere eskaria egin behar, beren plaza automatikoki bermatzen baitaie, betiere dauden haurreskolan eta ordutegian.

Familiek izen ematea Usurbilgo Udalaren eskaera inprimakia betez egin ahal izango dute.